

AGAPE

FEBRUARY, 2015

A chhunga thu awmte

- | | |
|--|------|
| 1. Editorial | - 1 |
| 2. Kristian chhungkua : Chhungkaw hlim kum | - 2 |
| 3. Sermon : Thlarau thara rawngbawl | - 5 |
| 4. Engkimah fimkhur rawh | - 10 |
| 5. Samsona nun a\angin | - 15 |
| 6. Jokebedi | - 19 |
| 7. Pathian mit hmuha hmeichhiate mawina | - 21 |
| 8. Fanu hnena lekhathawn | - 24 |
| 9. Hmangaihna In tana donation dawnte | - 26 |
| 10. Women Centre sakna atana sum lutte | - 27 |
| 11. Nau chawmna leh donation | - 30 |
| 12. Hriat atan | - 32 |

PAWL HRUAITUTE LEH MEMBER-TE

Kum 2015-a thla hnihna kan chuangkai leh ta dêr mai. He hun min hruai thlengtu LALPA chu fakin awm rawh se.

Pathian khawngaihna vângin rawngbâwl hna hrang hrangah bul kan òan leh ta a. Kan chanvo leh kan mawhphurhna erawh a inang lo ang. Òhenkhat chu zirtirtu atân te, òhenkhat chu pâwl hruaitu atân te, òhenkhat erawh chu zaipâwl member atân te, a tam zâwk erawh chu pâwla member rinawm tak ni tûra LALPA kohte kan ni. Kan dinhmun leh kan nihnite hi kan duh leh kan dîl avânga kan dawn leh kan chan a ni lo va, khawngaih rawngbâwl hna a ni tih hi i hre thar leh ang u.

Eng pâwlah pawh hian member-te tel lo chuan hruaitute an kal òha tak tak thei lo va. A tam ber member-ten rinawm taka chanvo kan hlen chhuah hian pâwl thiltum leh mawhphurnate chu a lo hlawhtling òhîn a ni.

Chutih rualin pâwl hrang hrang hruaitute hian mawh an phurin pâwl chak leh chak loh pawh an chungah a inngat thui hle. Theihtâwp chhuaha, Pathian hnêna òawngòai tlat chungah mawhphurhna chu kan tih a ngai a ni. Kan theihna leh kan thiamnate hi Lalpa mite rawngbâwlsak tûr hian a tâwk zo lo tih hre thar leh ila. A hruai theitu Lalpa hnênah i inhlân tawp mai ang u. Lal Solomona meuh pawhin a mite chungah òha taka ro a rêl theihna tûrin Pathian hnênah finna a dîl ang khân dîl ve ila, Lalpa chhân duh zâwng tak pawh a ni ang e.

*Kristian Chhungkua***CHHÛNGKAW HLIM KUM**

- *Upa B. Lalhmunliana*
Bethlehem Vênglai

Kohhranin hunpui - Krismas leh kum thar kan hman-
liam leh ta a, Mizoram mihring zât ngaihtuahin mi tha, mi
pângngai an la thathnemzia a lang Chiang Hle, a va lâwmawm
êm! Thil tha tih duh, mi dang tâna inphal, Pathian biak ngai
pawimawh, kohhran zai ngaia awm chhûngkua thahnem tak
an awm a ni. Biak In zawng zawng deuhthawah (hmuh phâk
chinah), Biak Ina leng lo an inkhâwm zêl a, a va ropui êm!
Hei hi Kohhran Hmeichhiain kum 45 zet Kristian chhûngkua
din tûra beihpui an thlâk vâng te pawh a ni ngei ang. A va
lâwmawm êm!

Chênpuite nêna
inhmangaih tlânna in chhûng,
a chhûnga chêngte khawi lo
an kal nikhua pawha haw hlân
an nghahhlelh ngawih
ngawihna chhûngkua,
chhûngkaw member-te
inngainat tawna chhûngkua
ni tûr hian insiam thātna tûr
kan nei ngei ang.

Kum a lo thar hian,
chhûngkua pawhin kum thar
thutiam i nei teh ang u. Mizo
kum chhiar dânah chuan
nikum aiin kum khatin kan
upa thar ta theuh a,
chhûngkua pawhin nikum aiin

Pathian hnaih lehzual sawta,
hlim sawt i tum teh ang u.
Tih dân tha pakhat tal i ching
thar dân teh ang. A ngai tē
têa hun hman hian a
kumtluan theih mai thîn.
Hmasâwnna tharin hma sâwn
tum ila a va tha rua êm!

***Kum thar thutiam atân hêngte
hi kan ti thei ang em –***

1. Zînga ka thawh veleh
Pathian hnênah lâwm thu
ka sawi ziah tawh ang.
2. Fianrialah vawi khat tal
ni tin hun hman ziah ka
tum ang.

3. Ka pasal hi/ka nupui hi ni tin vawi khat tal, “Ka hmangaih che,” ka ti ziah tawh ang.
 4. Ka pasal tân/ka nupui tân nupui/pasal thlâk-hlehawm tak nih ka tum ang.
 5. Ka fate hi ni tin/chawlhkâr tin vawi khat tal an lu chung a kut nghatin ka ÷awngtâi ziah tawh ang.
 6. Kan chhûngkaw member-te nen hian ni tin Bible bung khat tal kan chhiar ÷heuh tawh ang.
 7. Pathian hnêna thilpêk pêkah kum hmasa khûm ngei tûrin ÷an kan la ang.
 8. Chhûngkuaa Pathian kan biak ho dân hi kawng khat talin hmasâwn kan tum ang.
 9. Ka dama, rokhawlhna tak a awm a nih loh chuan ka inkhawm ÷hin ang a, inkhâwm hman lo khawpa eizawna leh sekrek khawiha ka buai ÷hîn hi pumpel h hrâm ka tum tawh ang.
 10. Kan chhûngkaw sum lâk luh hi mahni chhûngkaw tân pumbil vek lovin, tute emaw tân kan luang chhuak ang.
 11. Kan chhûngkaw sum lâk luh milin khawsak ngei kan tum ang.
 12. Kumina chanvo, mawh-phurhna ka chante hi a ÷ha thei ang bera hlen chhuah ngei ka tum ang.
 13. Rawngbâwlpuite tân thawhpui nuam tak nih ngei ka tum ang.
 14. Rawngbâwlpute / hruaitute, rawngbâwlpui tân ni tin vawi khat tal ka ÷awngtâi ÷hîn ang.
 15. Eizawna hna ka thawhnaah hun hmang dik, thawhpui nuam, min dâwrtute tân dâwr nuam nih ngei ka tum ang.
- Hêngte hi ka sim tawh ang:***
1. Zûk leh hmuam, ruih theih thil hi ka ti tawh lo vang.
 2. Tûl tehchiam lova sum leh pai khawhral mai mai hi ka sim tawh ang.

3. Tute emaw chanchin a chhe zâwnga mi dang hnêna sawi, chaw ei lai/ chhûngkuaa sawi (mi rêl) ka ching tawh lo vang.
4. TV hmuhnawm ka en laklawh avânga ka tih âwm tak ka tih loh fo hi ka chîng chhunzawm tawh lo vang.
5. Phunchiar leh âncheh hi ka sim tawh ang.
6. Thatchhiat leh inthlahdah ka chîng tawh lo vang.

He kum tharah hian a tha zâwnga hmasâwn ngei tûra mahni intiamin, rinna kawngah te, lâwm zêl thei nun nei tûr te, thatna kawngah te mi thar ni ngam tûrin i inbuatsaih teh ang u.

Nu leh pa zawng zawngin kan duh êm êm vek chu – Fa tha tak, fa fel tak, thu awih tak neih a nih ngei ka ring. Chutiang fa, chutiang chhûngkuaa kan nih theih nân chuan kan fate awm dân tûra kan duh ang chuan nu leh pa kan awm hmasak a ngai tih hi i hre reng ang u. Nu leh pate nungchang hi faten an

chhûn châwk, chhun tlâka awm i tum ang u. Mahni eng mah ni hmasa mang si lova fa tha, fa fel beisei chu beisei dân dik a ni thei lo vang.

Kan fate hi zirtîr an ngai a. Nungchang tha an neih theih nâna zirtîrtu tha ber chu nu leh pa an ni ang a, Pathian thua kaihhruaia, entawn tlâka awma, thahnem ngai taka tawngtai chung a zirtîr an tha ber ang. Khawiah pawh awm se, nu leh pain an awmna chin hriat ngei a tha. Eng emaw hleka ‘ka vaw dâwn Chiang lutuk che,’ ti mai thîn, a nih loh leh kut thlâk awlsam lutuk chi nu leh pa a awm theih baw. Chhûngkaw nun nuam tur tinuam lotu fa sual an lo pun zêl loh nân fate tâna ngainatawm, Pathian thua kaihruai thîn nu leh pa nih i tum teh ang u.

Kum thar min hrui thlengtû hian chhan awmin min hrui thleng ngei ang. He kum thar hi in chhûngkaw hlim kum a nih ngei theih nân Pathian hmaah thingthi rawh le.

*Sermon***THLARAU THARA RAWNGBAWL**

- *Lalmuanzuali*
Zemabawk

“Thinlung thar ka pe ang che u a, in chhûngah thlarau thar ka dah ang; in tisa ata thinlung, lung anga sak chu ka la bo vang a, thinlung, tisa anga nê m ka pe zawk ang che u. Tin, in chhûngah ka thlarau ka dah ang a, ka dan siamah ka lêntir ang che u a, ka thupêkte chu in vawng ang a, in zâwm ang” (*Ezek 36:26-27*).

“He khawvêl dan ang hian awm suh ula; Pathian duh zâwng, a ða leh, lawm tlak leh, ðat famkim chu inhriat fiah theih nân, in rilru a thara awmin lo danglam zawk tawh rawh u.” (*Rom 12:2*)

Pathianin tinte hi a Fapa thisena min lei avangin mi tin hi dinhmun pawimawh takah min dah ðeuh mai. A ðhente chu hruaitu chan chang turin kohhran hovah a dah a, a ðhente chu Chanchin ða hril turin a tir chhuak a, a ðhente chu tualchhung kohhranah, a taksa tifamkim turin, mahni phak tawk ðeuh, te lua awm lovin, ðahnemngai taka ðawngtai leh inkhawm rawngbawl hna thawk turin a dah a ni. A eng dinhmunah pawh hian ding

ila, chu hmun chu hmun thianghlim, Ama awmna hmun a ni tih hriat a pawimawh hle awm e. Mosia hnena a sawi ang khan, Pathianin min hunna hmun ðeuhah min tihnawktu, kan tisana pheikhawk hi kan hlih thlak vek a pawimawh hle awm e. Tisana hnawh tak mai nen hian a hmanraw thianghlim a nih theih si loh a.

Kan thupuiin Thlarau thara rawngbawl chungchang min kawhhmuh a tum

lain, tisaaw rawngbawl na aawm tih a tilang a. Thupui hi hlawm hnih - Tisaaw rawngbawl leh Thlarau thar, Ama thlarau leh Ama zara Ama tana rawngbawl.

1. Tisaaw rawngbawl - Hei hi mihring hlui zia, Krista aia mahni indah pawimawha rawngbawl na a tih theih aawm e. Hetianga rawngbawl na hian mihringa ze tha tam tak hmangin, Krista dah pawimawh ber si lovin rawngbawltu a aawm theih tih a tilang a. A ken tel thenkhatte lo tar lang ila-

(1) **Thahnemngaihna:** Thahnemngaihna takin ringtu hian rawng a bawl tur a nih lain Tirhkoh Paula'n a chipui Juda-te chungchang a sawina atang hian inen fiah a tul hle aawm e. Rom 10: 2-3-ah kan hmu a, "Pathian lamah thahnem an ngai tih ka hriatpui a ni, hre famkim ang erawh chuan an ngai lo. Pathian felna hre lovin anmahni felna tihngheh tumin Pathian felnaah an intulut si lo." Pathian felna rinchhan lova thahnemngai

taka rawng bawltu hi mi dangte phurrit siamtu a nih theih a, amah ngei pawh a chau ngawih ngawih fo thin. Mihring felna ringawt hi chuan daih chin a neih avangin a thawhrimna leh thahnemngaihna chuan a tawpah lungawi lohna a thlen thin, "Thawk zel la, i thawhah lawm rawh" tih hla te chu a taka sak a lo har tawh thin a ni.

(2) **Rawngbawl na 'duty' ang chauhva ngaihna:** Tisaaw rawngbawltuah chuan khawngaihna vang chauh a ni tih theihngilh a awl thin. Duty nia a hriat tlat avangin a rawngbawl hna chu thawk zova inngaiin a lungawi a, Pathian duh dan a nih leh nih loh pawh a ngaihtuah zui lo fo thin. Pathian rawng ni lovin mahni rawng a bawl a tih theih ang. Pathian hian a 'duty' ni tlata hriain a Fapa min pe a ni lo va, khawngaihna avang liau liauva mi pe a ni si a.

(3) **Mi dangte phutna:** Tisaaw rawngbawltu chuan ama thahnemngaihna a hmu

a, mi dangte a phut thin. A tawngkam chhuak chu chia al, khawngaihna tel ni lovin, khaknaa khat a lo ni thin. Khawngaih rawngbawl hna a ni tih a hai a, mi dangte phutna lian tak chuan amahah lungawi lohna a siam a, mite tan phurrit niin ama tan ngei pawh phurrit a insiam thin a ni. Lal Isuaa chawl thiam lovin a hah em em a, 'Thawhrim chu chawlhna nuam' a nih dan a hre thiam lo va, lunghnur takin khawngaih rawngbawl hna hi a thawk thin a ni.

(4) ***Krista aiah mahni:*** Tisaa rawngbawlna chuan Pathian ni lovin mihring tihlawm a tum thin (*Gal 1:10*). Krista aiin amah a langsar zawk fo va. "Ani chu tlatlum tur a ni, kei erawh chu lang tur ka ni" tih thu hian amahah awmzia reng a nei phak lo. Krista chu amahah siam puitlinin a awm lo va, amah aia mi dangte an lo langsar zawka a hriatin a lung a awi thin lo a ni. Diotrepha, 3 Johana

1:9-a mi ang khan mi dangte aia chungnun a duh reng thin. Mi dangte thatna leh felna a hmu thei lo fo a, amah chauh a inhmu thin. Mahni a in-khawngaih a, mi dangten amahah chawlna an hmu thei lo va, ei tur an hmu bawh hek lo. Ama nihna dik tak a inhre lo fo va, "Miten tu nge ka ni mi tih?" tih hi a inzawt ngai lo a ni.

2. Thlarau thara rawngbawl - Krista thihna leh thawhle hna tawmpuitute chauhvin thlarau tharin Lalpa rawng an bawl thin. He rawngbawlnain a ken tel thenkhatte lo tar lang leh ila -

(1) ***Thahnemngaihna:*** Amahah thahnemngaihna a thawk a, Lal Isuaa chawl chungin rim takin a thawk thin. Ama fel lohnate hre rengin Pathian felnaah a intulut a. Khawngaih rawngbawl hna a kova innghat chu phu lo inti chungin hlim tak leh taima takin a thawk thin. A thawh tam poh leh a hlim a, mi dangte phutna a bo va, a thath-nem lohzia chauh a hmu

thin. Engkimah a fimkhur a, hrehawm a lo thlenin chhel takin a tuar a, a rawngbawlhna a hlen chhuak thin a ni.

(2) ***Mi dangte tan malsawmna:*** Thlarau thara rawngbawltuteah chuan miten Krista hmel an hmu thin. Mi dangte amahah an leng thin a, Lalpa thatna an tem za thin a ni. Pathian thatnain amah a titlai a, chu chu mi dangte tan pawh malsawmnain a lo luang chhuak thin a ni. Miten Krista rawngbawltu dik taka an ruat avangin a bulah an nun a zalen a, Krista Isuaa awm, lungawina kim an lo chan phah thin a ni.

(3) ***Thilpek:*** Thlarau thara rawngbawlina hian thilpek a keng tel nghal a ni. A thlawna a dawn hi a thlawna pe tur a ni tih a inhre Chiang a, a sum dinhmun thlir lovin, a petu rinchhanin thilpek rawngbawlinaah a pen chhuak thin. Pathian hnena thilpek bakah beisei let tur awm lohna, tlachhamte hnenah Lalpa hausakna kawltira a awm hriain

malsawmnain a luang chhuak thin a ni. Lalpa hnen ata malsawmna dawng turin ‘pek’ hi a dawnthleng chu a nih a hre Chiang a, hlim takin a pe mai thin a ni.

(4) ***“I thu ang ni zel rawh se”:*** He thu hi kan mihrinna hian sawi leh pawm harsat a tih lai ber a ni hial awm e. Ama Thlarau Thianghlimin a luahtlatte nunah, thlarau thara rawngbawltute chuan eng dinhmunah pawh ding se, he thu hi an lo sawi thei thin a ni. Mihring tih theih rual loh hi Pathian tih theih a ni tih hretu nunah chauh “I thu ni se,” tih theihna hi a awm. Mihringte ngaiha hrehawmna vâwrtâwp tawrhna hmunah hian Lalpan rawngbawltu dik takte a thlahthlam mai ngai lo. Chu hmunah tak chuan amah ngeiin a lo nghakin a lo kuangkuaht thin a ni. Daniela thiante kha meipuih khan aman lo nghakin a chhandam a nih kha.

(5) ***A chhuan - Krista chauh:*** Thlarau thara

rawngbawltu chuan chhuan tur reng a nei lo. 1 Korinth 1:30-a kan hmuh ang hian Krista chauh lo chu tlinna a nei lo tih a hre chiang a. “A chhuang apiangin Lalpa chhuang rawh se,” a ti mai a ni. A thawhrimna te, a thawh rahte a chhuang lo va, khawngaihna vang chauh a ni tih hriain hlim

takin a thawk mai ñhin. Hetianga rawngbawl hna thawktu hi chuan, “Bawih ñhahnem lo ka ni, ka tih tur reng ti ka ni,” a ti mai ñhin. Tisaa rawngbawltute nge kan nih thlarau thara rawngbawltu? I inenfiah ang u.

Lalpa malsawm rawh se.



HMANGAIHNA IN TANA DONATION

Phek 27-a mi Chhnunzawmna

22. Lalnunzira, Sakawrtuichhun	Rs. 550
23. Chawngthanpari, Thenzawl	Rs. 2,000
24. Zemabawk South Koh. Hmeichhia	Rs. 1,000
25. Kolasib College Veng Koh. Hmeichhia	Rs. 2,000
26. Lungdai Bial K.T.P.	Rs. 4,000
27. Little Lamb's School, Durtlang	Ei tur
28. Dinthar Vengthlang	Ei tur
29. Bethlehem Venglai Koh. Hmeichhia	Rs. 5,000
30. Chawnpui Vengthlang Sacrament Dept.	Rs. 700
31. Serchhip Field Veng Koh. Hmeichhia	Rs. 2,000 & Hmunphiah
32. Manipur Area	Rs. 1,020
33. Luangpawl Kohhhran Hmeichhia	Rs. 2,000
34. Bualpui Kohhhran Hmeichhia	Rs. 2,000
35. Thenzawl Venglai kohhhran Hmeichhia	Rs. 1,500
36. Airfield Vengthar Koh. Hmeichhia	Rs. 3,000
37. V.M. Hardware, Bawngkawn	Rs. 20,000
38. Luangmual Vengthlang Koh. Hmeichhia	Rs. 6,000

ENKIMAH FIMKHUR RAWH

(Jer 17:21; Eph 5:15-21; 2 Tim 4:1-5)

*By Upa Haukhama
Chhingchhip Venghlun*

Mizoram hi tlang ram, zawl awm mang lohna a ni naa, a mi chengte hi kan lungrualin kan inpawh a, a nuam em em a. Dawt pawh sawi ngai mang lo, ruk ruk leh tualthahte pawh hreh tak hnam kan ni thin. Tun hma lam pheikha chuan ei leh barah pawh kan intodelh hle thin a. Thingtlang atangin Aizawlah Mizo buhfai tam fe kan thawn lut thin a ni a. Pathian khawngaihna avangin tuilianin a tihbuai ve ngai loh, lirnghing nasa te, tlangkang leh thlichhia hlauhawm lutuk pawhin a tihbuai lutuk ngai loh ram kan ni a. Kristianna a lo luh pawhin Thlarau Thianghlim zarah hun rei lo teah 'Kristian ram' tih kan ni thuai a; amaherawhchu, mautam tamte kan han tawka, ram buaiin min han nang leh a, hun eng emaw ti atang khan sualna a lo pung nasa ta em em a; rukruk, inbum, tualthah, pawngsual thlengin a lo tam ta hle mai a. Kristian ram intih pawh zahthlak khawp a lo ni ta. Kan nun fimkhur loh avanga chhياتna leh harsatna kan tawrh hi a tam ta hle mai. Chuvang chuan, kan fimkhurna atana tul zual tlem azawng han tar lang ila.

1. Nun danah: Zawlnei Jeremia chuan "In nun hi fimkhurpui hle teh u" (*Jer 17:21*) a ti. Kan nun kan fimkhur loh avangin natna leh chhياتna, harsatna tam tak kan tuar a. Thenawmte huat leh ngei pawh kan hlauh phah thei. Kan

hnathawhnaah kan thawhpuite tan thawhpui kan nuam lo va, kan bula awm miin nuam an ti lo va; chuvangin, kan nun hi fimkhur a va ngai em.

2. Awm danah: Kan Pathian thu chuan, "Mi fing lote anga awm lovin mi

fingte anga awm zawkin in awm danah fimkhur rawh u” (*Eph 5:15*) a ti. Mi â leh mi fing lo chuan awm dan an thiam lo va, an tal buai fo. Kan Pathian thu chuan “Eng pawh ni sela in awm dan chu Krista Chanchin Ṭha nen inmawi phawt rawh se” (*Phil 1:27*) a ti a. Hei hi kan awm dan teh nan i hmang ang u. Kristiante awm dan leh nun dan âwm rengin ka nungin ka awm em, tiin mahni i inen fo ang u.

3. Ṭawngkam hmanah: Ṭawngkam hmanah hian fimkhur a ngai khawp mai. Mizo thufing chuan “Ṭawngkam ṭhain sial a man” an lo ti a. Thufingteah pawh ‘chhâna nemin thinur a tikiang ṭhin a, ṭawng huatthlala chuan thinur a chawk tho ṭhin” tih a ni. Kolossa 4:6 kan en chuan, “In ṭawngka chhuak chu chia al, khawngaihna tel ni fo rawh se,” lehlin tharah, “Eng lai pawhin ṭha tak leh hawihhâwm taka ṭawng ching ula, tichuan, mi tin

engtia chhan tur nge in hre dawn nia,” a ti a. Ephesi 4:29 kan chhiar chuan ‘thu ṭha lo reng reng in kaah chhuak suh se, a ṭulzia ang zela siam ṭha turin thu ṭha apiang chhuak zawk rawh se. A ngaithlatute tan khawngaihna a lo nih theih nan’ tih kan hmu. Ṭawngkam hmanah hian fimkhur a ngai khawp mai. Ṭawng mei nei deuh te, mi chungtlak tak leh hmusit taka ṭawng te chin loh tur a ni. Committee-naah leh thil tih honaah pawh fimkhur taka ṭawng fo tur a ni. Ṭawng thlahdah lutuk te, dawt sawi mai mai te, pawlawh tak leh dengkhawng taka ṭawng chinte hian rah ṭha lo a chhuah ṭhin.

4. Ei leh in, zuk leh hmuam: Pathian thu chuan, in ei pawhin, in pawhin in tih apiangah Pathian ropuina tur hlerin ti rawh u. Pathian kohhranho an tluk pahna tur reng reng eng mah ti suh u a ti. Ei leh inah chin tawh

kan nei lo fo, zuk leh hmuam lah kan ti nasa. Kan fimkhur loh avangin natna leh thihna hial kan tawh phah nasat tawhzia hi. Fimkhur a va ngai em. Kan taksain a tuar phah a, sum leh pai kan seng nasa a, i fimkhur ang u.

5. Sum leh pai lak luh leh hmanah: Sum hi mi tinin kan mamawh a, a lovin kan awm thei lo. Amaherawhchu, dik lo tak leh fel lo taka sum lak luh leh hman hi kan Pathian hian a phal lo em em a ni. Tangka sum ngai sum ngainat hi sual tinreng bul a ni, Pathian leh sum rawng in bawl kawp thei lo ve, sum ngah hi mihring dam chhan a ni lo ve. Mi hausa tan Pathian rama luh hi thil har tak a ni tihte Bible-ah kan hmu hle. Israel-te tlukchhiatna pawh kha sum a ni fo. Anania leh Saphirite nupa a ruala an thihna pawh kha sum vang a nih kha. Kan ram pawh hian sum kan duh lutukna lamah khua kan hmu ta lo. Ei ruk, hlep ruk, mi

suam, tualthah, chiahpuam, khehpuam, inzawrh thlengin kan ram hi a mualpho ta, i fimkhur ang u. Bank-ah te pawisa kan puka, rul tha duh lo kan tam ta, a pawh hle mai.

6. Mipat hmeichhiatna:

Mipat hmeichhiat hmanna kawngah kan fimkhur a va ngai em! Pawngsuala thah zui, kumtling lo khawih chingpen, mipa leh mipa, hmeichhia leh hmeichhia inneite hial kan lo awm ta. Galatia 5:19-ah chuan inngaih hmanngten Pathian ram an luah loh tur kan hmu a. Lal Solomona tlukchhiatna te, Sodom leh Gomora tlukchhiatna te pawh kha inngaihna sual vang a ni. Mipat hmeichhiatna kan hman khawloh avangin hri chhia tihdam hleih theih loh kan vei phah, i fimkhur ang u. Heng thil avang hian mahin nupui that ta mai te, mahni pasal that ta mai te kan va tam ta em! Lal Isua chuan ngaihmelh pawh uire a ti hial a nih kha.

7. Ngaihtuahnaah: Phillipi 4:8-ah chuan, “A dik apiang te, a zahawm apiang te, a fel apiang te, a thianghlim apiang te, a duhawm apiang te, a thangmawi apiang te, thatna reng a awma, fakna reng a awm phawt chuan chûng chu ngaihtuah rawh u,” min ti. Ngaihtuahna tha lovin mi a hruai sual a, ngaihtuahna thain mi a hruai tha fo thin. Rilru hrisel kan neih a va tul em.

8. Thuneihna hmannaah: Kan ram chu inthlang ram kan ni a, thuneihna inchuhna ram a ni. Thu neitu pawh kan inthlak zing hle mai. Roreltuten ro an rel dik loh chuan khawtlang leh ramin a tuar a, a tlukchhiat phah fo thin. Kan Pathian thu chuan, ‘Mi tin an chung a roreltute thu thuin awm rawh se,’ a ti a. Roreltute thu awih hi mipui chanvo a ni. Nangni hotute u, chutiang bawkin anmahni leh nangmahni hotu chu ti ve rawh u. “Roreltu chuan

taima takin rorel rawh se. Pathian chuan mi tin an thil tih ang zelin a relsak ang” tihte Bible-ah kan hmu. Roreltu dinhmun hi a pawimawh em em a, mawh-phurhna lian tak an kawh a ni tih an hre fo tur a ni.

9. Incheinaah: Incheina pawn lam incheina chu, samphiar te, rangkachak thi awrh te, silhfena inthuan te chu ni lovin thinlunga mihring thuruk chu, rilru thuhnuairawlh leh nunnem, silhfen chhe thei lova inthuan ni zawk rawh se, chu chu Pathian mit hmuhin a hlu em em a ni.” Incheina thuah hian kan fimkhur a tul khawp mai. Kan inchei dan hian kan mizia, kan rilru a tilang fo thin. Inhmeh tawh hautak lo, kan sum lak luh mila inchei a tha. Ei ruk, hlep ruk ngai lova inchei a tha. Kan hmeichhiate pawh hi incheina thuah an hautak hle mai. Kan rama pawngsual tam chhan pawh hi mi thenkhatte chuan kan

hmeichhiate incheina sexy vang nia puhte pawh an awm nual ta mai. Fimkhur a tul hle mai.

10. Zirtirna dik lo lakah:

Kan ram zim te, Kolkata kawthler pakhat mihring awm pawh zat loah hian kohhran pawl hrang a tam ta hle mai, 80 chuang zet a awm ta mai. Fimkhur a va tul em. Hei hian khawtlang leh ram inlungual lohna leh inpumkhatna pawh a tichhe hle tawh a ni. Tirhkoh Paula chuan Tita hnenah “Zirtirna dik tak nena inhmeh thu sawi rawh” a ti. Heb 13:9

kan chhiar chuan, “Zirtirna tinrêng leh zirtirna mak tak len bovin awm suh u” a ti. Zirtirna dik lo, thurin dik lo hian mi mal nun leh khawtlang leh ramah thil pawl tak tak a thlen thei a ni tih hriain zirtirna dik lo lakah i fimkhur ang u. Pathian thuin min zirtirna a ni em? Lal Isuan engtin nge a ngaih ang tih ngaihtuah fo a tul. Kan ram hi vei tham a awm, chhan chhuah a ngai.

Engkimah fimkhur rawh, i nun hi fimkhourpui hle teh.

Lalpan malsawm rawh se.



King George V khan Buckingham Palace-a a Office pindan bangah thufing, tha a tih deuh deuh paruk a tar chhuak a. Chung zinga pakhat chu “Fakna tlawm leh hnuaihnnung chhak chhuak lo tur leh dawng lo turin min zirtir ang che,” tih hi a ni. Fak derna hi a tlawmin a hnuaihnnung a, a petu nih leh dawngtu nih a chakawm loh.

SAMSONA NUN AṬANGIN

- P/P Zonunsanga
Tuithumhnar

“Samson, Philistia-hovin an rawn bei dawn a che,” a han ti a. Tin, a mu chu a han harh a, “Ni dang ang bawk khan ka chhuak leh mai ang a, ka tal chhuak leh mai ang chu,” a ti a. Nimahsela, LALPAN a kalsan tawh tih rêng rêng a hre lo va (Ror 16:20).

Samsona nunah hian thil tam tak, a ṭha lam leh a chhe lam zir tur a awm thei ang. Israel-ten lal an neih hmaa roreltute zinga chhiar tel a ni a, heng roreltute hian an hna ber chu hmelmate laka hnam humhim kha a ni. Ral rel thiam, indonaa mi huaisen, mi fing leh mi chakte an ni a, sakhaw nun leh khawtlang inrelbawlna thlengin an kutah a awm niin a lang.

Roreltute zingah hian Samsona hi a danglam hle a, a danglam bikna chu hun pum atana serh hran, ‘Nazarit mi’ a nihna hi a ni. Pathian tana serh hran leh Pathian pawhin a pawl ṭhin ni mah sela chak lohna a nei ve bawk a. Chuti chung chuan Pathian chuan a enkawl reng ṭhin. A nun aṭanga kan hmuh ṭhenkhat lo en ila -

A tih turah a inthlahdah

A pian hma aṭanga serh hran ni mah se, a inthlahdah hle a, Pathianin a hunna hmun leh a dahna hmun tiansanin a nihna nena inhmeh lo tak tak a ti ṭhin. A tih tur tam tak ti

lovin nulaah a tal buai a, a nih tur ang pawh ni thei lovin Pathian hre lo hnam dang a kawm a, rorel tura a awmna hmunah awm lovin ram dangah a tam hle.

Tin, an khua a chhuahsan apiangin Pathian a theihngihl ta emaw tih turin a khawsa ṭhin hi a tihfuh loh lian berte zinga mi chu a ni ngei ang. Ram tana hna thawh ai chuan nuam awmna lam a zawng a, a pan a, a hun a khawhral nasa hle ṭhin a nih kha.

Pathianin hmanruaah eng pawh a hmang thei

Pathianin Samsona ralthuam a pek hi a mak ṭhin

hle. Ralthuam ða a pe ngai chuang lo. Sihal hmangin a hmelmate a bei a, sabengtung khabe ruh hmangin mi sangkhat a vaw hlum thei bawk a. Lalpan a thuam apiang kha ralthuam hlauhawm chu a ni mai.

Joshua hova kulh an auh chimnate kha ‘beram pa ki tawtawrwâwt’ mai a ni a, Pathianin a mite tan ralthuam tlawm tak tak pe ðin mah se hneh ngei ngeina ralthuam a ni thung. Hei hian Pathian nen chuan engkim a tih theih a ni tih a nemnghet a. Samsona hi Pathian thlarauvin a awmpui lai chuan mi chak a ni a, a duh apiang a ti thei a, nuam pawh a ti ðin hle ang. “Tin, Pathian hmangaihtu, amaha ruat anga a kohvate tan chuan, an ðatna turin engkimin a thawhsak hlawm ðin tih kan hria” (*Rom 8:28*).

Chauh chang a awm ðin

Chuti khawpa mi chak chu ni mah se chauh hun a lo nei ve ta tlat mai. Sabengtung khabe ruh hmanga mi sangkhat vaw hlum thei kha Ramath-lehi hmunah ngei chuan a tui a hal a, a chau a

ni. Mi chak, mi ropui kha beidawngin a au ta ruai ruai mai le. Lalpa a au va, Pathian hnathawh a hmu nghal. A mamawh pek a ni a, awm lo ata awma dintu chuan a awm chawptir zel mai.

Eng anga mi chak leh ropuite pawh hian vawi khat beidawanna hi chu an nei ve ðin. Elija kha a beidawngin Pathian hnenah thih a dil hial a (1 Lal 19:4). Joba khan harsatna a tawh tak tak khan a pian ni chu ânchhia a lawh tih kan hria (*Joba 3:1*). Nimahsela, anni chuan an beiseina chu Lalpaa chawlh a ni. Chak lohna hriaa tlakchham leh mamawh hre vektu Pathian chuan amah âutute chu a tichak thar leh ðin (*Is 40:29-31*).

Mi chak tawpna hi!: Chakna a neih hi Pathian hnen aţanga a dawn, Pathian pek a ni. Chu a chakna chu Nazarit mi nia a inserh hranna aţanga a dawn chauh a ni a, Samsonan hmelma a beih dawn hian ‘Lalpa thlarau chu a chungah nasa takin a lo thleng a’ tih kan hmu ðin. Hei hian Pathian aţanga chhuak chakna

pek a nih ðinzia a tilang a ni.

Nazirit mi nihna hian inserh hranna a keng a, nihna bakah mawhphurhna a keng tel a ni. Pathian tana a inserh chung chuan a chak em em a, a inserhna leh a invawna a bawhchhiat chiah khan a chakna neih pawh laksak a ni. Zawlnei Samuelan Israel-te lal, lal Saula hnênah "...LALPA thu chu i duh si lo va; tin, LALPA pawhin Israel-hote lal tan a duh ta bik lo che a ni" (*1 Sam 15:26*) a tih ang kha a chungah hian a lo thleng a. Mi chak tia hriat hlawh ðin, mite zah leh hruaitua an en kha nula lamah a inthlahdah avangin a tawpna hi chhuanawm loh hle.

Pathian tel lo nun chu: Mi sang tam tak that theitu kha Pathian thlarauvin a kalsan meuh chuan eng mah a ni ta lo. Mite nuihzat leh hmusit atan bak a tlak ta lo. Samsonan Pathianin a kalsan a ni tih hriaa, hrihlhai taka a hawi ruai ruai tur han mitthlain a khawngaihthlak hle. A chhuan tur Lalpa chhuang lova ama tih theih emaw tia a

lo inchhuanna ðinte pawh a lo lang uaih uaih ngei ang le.

Ni dang ang bawkin Pathianin a la awmpui emaw ti a, a tih ðin dan pangngaia tih leh a han tum a, a mualpho ta a nih kha. Pathian pawl lo nun leh a koh chhan anga nung loten mualphona an hmaah a inchhawp a ni tih hre lo leka an khawsak hian a ruattu leh kotu Pathianin hawisan hun a nei ve ðin tih a lo lang a, Pathian tel lo nun rapthlakzia kan hmu.

Pathianin amah âutu a chhang ðin: Sima inchhirte hnenah Pathian a inpuang leh nge nge ðin. A ðawngtaina hnunnung, "Khawngaih takin tun ðumah chauh..." (*Ror 16:28*) a tih hian a nun chhungril a tilang chiang hle. Samsona hian inchhirna leh intukluhna nen Pathian a dawr a, Pathian zahngaihna a beisei ngam tawh lo. Nimahsela, a rinchhan LALPA hnenah bawk a lo kir a, a tlulut leh a. Chakna a neih let lehna hi a sam vang ni lovin a ðawngtai chhanna a ni zawk.

Mi sual ber pawh ni ila, Lalpa chuan kan ṭawngṭai ngaithlain kan auh hun, kan koh hun a nghak reng a ni. A lama rilru dik tak putute chung a chakzia tilang turin Lalpa mit chu a leng ruai ruai ṭhin. Chak lo, phatsan ṭhintu pawh ni mah ila Lalpan min hre thiam a, kan tan kawng a hawng reng ṭhin.

Keini ve thung hi le?: Rawngbawltute hi Lalpa thlarau hian min kalsan ve mai ang em? Pathiana awm reng a ngai. Amaha awm reng lote chu paih, hnawl kan ni ṭhin

(*Jh 15:6*). Pathian tharauvin Samsona a awmpui laia a chak ṭhin hle ang hian keini pawh Pathian nen chuan engkim kan ti thei a. Pathian thurûk enkawltute hi Samsona ang hian sualin kan chak lohnaah min dek fo.

Sual hi chhaih lova Josefa anga kan tlansan dawr dawr a va pawimawh em! Kan beih let a ṭul hun a awm ang. Sual dovin thisen chhuak khawpa kan ṭan a ṭul. Keiniho hi Pathian thurûk enkawltute kan nih ang ngei leh chutiang taka miten min hmuh theih nan kan ṭan a ṭul hle a ni.



H.G. Wells leh George Bernard Shaw-te kha Bible thu pawm lo zinga zia mi lar ber pawl an ni awm e. Mihring finna leh hriatnaa an thil chhut dan kha a dik ngei tih an pawm nghet em em a, chhungril nuna thlamuanna erawh an nei thei der si lo. A rei telh telh a, a rinna inngahna chu pawm tlak a ni lo tih an hre tam telh telh a. Bernard Shaw-an kum 1950-a a thih hma lawkin hetiang hian thu a zia: ‘Ka rinna inngahna bul Science chu a tlachhia a, a thu ken leh a zirtirna chuan Europe chu ual-au taka mahni intihlum turin a hruai mek a ni. Tun hma chuan chu finna thu chu ka thurin atan ka lo pawm ṭhin a, a hming aiin mi tam tak chu chhiatna kawng zawh turin ka lo ṭanpui ṭhin. Chung mite thlarau chuan tunah hian min en reng a; Pathian ring lo mi, rinnaa beidawng hmel chu diriam takin min thlir mek a nih hi!’ tiin.

JOKEBEDI

- P.C. Laltlani
Bawngkawn East

Jokebedi hi nu ropui tak a ni a; mahse, kohhran mi tam takin tu nge a nih kan hre lo va. Naupang Sunday School zirlaia a hming kan hria mai loh chu chiang lo kan tam hle awm e.

Chhungkaw chanchin: Jokebedi hi Israela thlah Levia chi a ni a, Amrama Levia chia mi tho nen an innei a. A pasal Amrama nen hian chhungkhat hnai tak an ni. Amrama hian a pa farnu (a ni tur) Jokebedi hi nupuiah a nei a ni. Mi thiamte sawi danin Mosian dan a pek hma chuan Israela thlahte chuan chhungkhat hnai takte nupui psalah an nei thin.

Jokebedi hian fanu pakhat Miriami leh fapa pahnih Arona leh Mosia a nei a, mi ropui tak vek an ni.

1. Miriami - Jokebedi fanu Miriami hi hmeichhe zinga zawlnei tia sawi hmasak ber leh hla hruaitu ni hmasa ber

a ni. Israela thlahten Aigupta ram an chhuahsan a, tuipui sen an kanin Miriami hian khangte kengin hla a hruai a, hmeichhia zawng zawngin khangte kenga lamin an zui a (*Ex 15:20*), mi dangte LALPA chawimawia hla sa tura fuihtu a ni.

2. Arona - Arona hi Israela thlah zinga puithiam lal ni tura ruat hmasak ber a ni a, a fapate pawh puithiam an ni (*Ex 28:1; Lev 8:1*). Pathian thupeka Israel hnam sawm pahnih puipaten an hnam puala tiang pakhat an siam a, an hming an ziah theuh chu thu hriattirna puan inah Lalpa hmaah dah a ni a. A tukah chuan Arona tiang chu a lo chawr a, a

kuhmum a, a par a, vaiumkhal a lo rah a (*Num 17:2-8*), vawn that a ni nghe nghe a. Arona hi Levia chi hnam dang zinga thlan a nih avangin a chipui Levia chi zawng zawngte pawh Israela thlahte zing ata Lalpan inbiakna puan ina rawngbawl turin a thlang a, hnam dang inrawlh phal a ni lo (*Num 18:6*).

3. Mosia - Jokebedi fapa naupang zawk Mosia chu Israela thlah Aigupta ram aṭang hruai chhuak tura Pathianin a koh a ni a. Thil mak tihtheina a pe a (*Ex 4:1-9*), Israela thlahte chu Aigupta ram Pharaoa bawih aṭangin a hruai chhuak a, hruaitu ropui a ni.

Jokebedi chanchin aṭanga zir tur - Jokebedi hi nu awm nem te ni awm tak ni mah se rilru lama paukhauh tak a ni ang. A fate pathum

hruaitu ropui tak tak ni turin a chhuah thei a. Mosia a piana, thuhruk dan tur a ngaihtuah dan leh Miriami a ventir danahte hian nu rilru nei tak a nih a hriat theih. Pharaoa fanu anga ama fapa a enkawl chhunga Mosia rilru a hneh theihziate hi nu ropui tak a nihna tilangtu a ni. Hlawh neia a fapa a enkawl leh a nun chhan him chauh duh tawk lovin, Pathian tih mi ni tur leh a mite hmangaihna nei turin a zirtir a. Mosia a lo puitlin khan Jokebedi thawh rah a lo lang a. Pharaoa fanua fapa nih ai chuan Pathian mite nena tihduhdah a thlang thei a ni (*Heb 11:24*). Khawvel hian Jokebedi anga khawvel ropuina aia Pathian duh zawnga awm thlang tura fate enkawl thei Kristian nu rinawm a mamawh a ni.



Kan ei bar zawнна leh ni tin khawsakna kawng tinrenga rinawm taka kan tih zel hi Pathian min kohna leh amah kan chawimawina a ni.

- John Calvin

PATHIAN MIT HMUHA HMEICHHIATE MAWINA

- Lalremruati Tlau
Mizoram Synod House, Agartala

Lalpa chuan Samuela hnenah, "A hmel lam emaw, a san lam emaw en suh; ani chu ka duh lo a ni: Lalpa chuan mihring en dan angin a en ve si lo va; mihring chuan pawn lama lan dan an en thin a, Lalpa erawh chuan thinlung lam a en zawk thin a ni," a ti a (1 Sam 16:7-8).

Pathianin mihringte min siam dan hi a ropui hle mai, chhut chiang vak lo pawhin kan pawm tlang theuh awm e. Hmanlai Greek ziaktu mi fing, Sophocles pawh khan Isua pian hma BC 468 velah khan, 'khawvela thil mak zinga mak ber chu mihring taksa hi a ni,' a lo ti a. Kan Bible pawhin, 'Hlauhawm tak leh mak taka siam ka ni' (*Sam 139:14*) tiin a lo dah diam tawh. Pathianin ama anpuin min siam a. Mihring taksa leh ngaihtuahna min siam dan mak tak lam chu kan sawi tam hman lo vang a, Pathianin hmeichhiate min siam a, mawi min tih dan leh min beiseina hi, ngaihtuahna tithar leh atan kan chhawp chhuak ve a ni.

Pathianin mipate ang bawkin hmeichhiate hi Amah angin min siam a, hmuhnawm leh mawi tak, hmangaihna ngah takin min siam. Company lian pui puiten an bungraw siam fak mawi nan nula nalh tak an hmang a, film siamtuten a tihmuhnawm turin hmeichhe lem tel lovin an siam thei lo: Mizo hmeichhiate pawh hi tunhma ngaihtuah chuan kan mawiin kan nalh ta hle mai. Kristianna avangin nasa takin hma kan sawn a, kan hahdam tawh a, taksa tana tha ei nachang kan hre tawh a, vun tinalh turin bawhlo kan hmang thiam tawh bawh. A sum nei deuhte pheii chuan Facial pawh regular takin an ti a, an no sut mai! Kan

khawpui ber Aizawlah phei hi chuan an nalh lehzual a, thingtlang lam pawhin kan entawn ve zel lo thei lo. Hmai hnawih chi hrang hrang leh puan zeh mawi man to nen, Pathianni tuka kan inkhawm kal chu hmuhnawm a tling a ni. Nula chauh ni lovin Nu valai chhangchhiat kal pel tawhte pawh an nalh ta hle mai. Mizo hmeichhiate hi inchei uar ve tak kan ni a, kan puanzehte a mawi a, puanzeh mawi chi hrang hrang kan tiang êrh urh mai. Heng zawng zawng hi Pathian thu avanga kan chan kan ti thei ang, a ropuia hnawl mai tur a ni lo. Amaherawh-chu, kan chhungkaw khawsak mil theuhva inchei kan zir chu a ÷ul hle in a lang. Pathian thu vekin kan taksa hi Pathian chenna in a ni tih min hrilh a, vawng thianghlim tur pawhin min zirtir a (*I Kor 6:19-20*). Mawi takin Pathian Thianghlimna entawnin kan taksa leh thawmhnawte kan vawng tur a ni reng a ni.

Amaherawhchu, chatuan daih mawina tling

kan ngaihtuah tel ve a ÷ul. Kan taksa mawina a ral huna, kan thlarau chenna ngaihtuah tu tur hmeichhiate siamtu Pathian chuan, hmeichhiate timawitu chu an chhungril nun lamah a lo en daih si a! Mi tam zawk chuan, Tu nge ka nih emaw, Tu tana nung ve nge ka nih, tih aiin kan incheina leh pawn lam kan lan dan kan ngai pawimawh a, mite hmuha mawina chu hlimna ber emaw kan ti ta! Nu tam tak chuan kan chenna in mawi leh nuam taka cheia, mahni pawh tunlai ber bera incheia, inkhawm huna inkhawm ve mai chu tawh hleah kan ngai ta niin a lang. Pathian erawh chuan, kan mawi leh mawi loh chu kan chhungril nun lamah a lo thlir reng a. Kan thawmhnaw nalh takte chu a fashion a liam a, a ÷ing leh mai a. Pathian thu erawh chuan, kan inthumna tur silhfen ÷ing ve thei lo, chhe thei lo tur min hrilh chu Rilru thuhnuairawlh leh nunnem hi a lo ti leh daih a! (*I Pet 3:4*). Chu chu sam phiar leh rangkachak ÷hi man

to awrh aiin Pathian mit hmuhin a hlu em em a ni a ti.

Tita 1:1-5-ah chuan nu upa lam deuhte pawh Pathian thu sawichhiata a awm loh nan nun fimkhur turin min hrih a. Kum naupang deuhte pawh an pasal fanaute hmangaiha chhungkua fel taka enkawl tur leh ngilnei taka pasalte thu zawm turin min hrih. Mi chanchin tha lo lam sawi mai mai lova, thil tha lam zirtirtu ni turin min chah bawk a ni.

Pathian Lal ram atan lalnu (queen) kan ni a. Lalnu Estheri chu tu ma hriat tham lohina lo seilian a, a taksa mawina avangin lal Ahasuera nupuiah hlankaiin a awm. A hmel mawi tak chu hmuh tur awm tawh lo mah se a chhungril nun ropui tak avangin waviin thlengin a mawina a chuai thei lo. Thuhnuairawlh takin a tawng a, a dawih chuang lo. A chanvo (rights) chang turin tawng mawi lo a chhak chhuak ngai lo va. A dinhmun zahawmna turin sual chhuah a tum lo va; mahse, a

zahawmna palzutin a awm chuang lo. Dinhmun tha takah awm mah se, a nihna (Identity) a theihngihl ngai lo. Thuneitu, a pasalin a rahbeh a hlahv vangin a pawngpawrh ringawt lo va, tlawm takin mi dangte nun chhan chhuak turin a ke a pen chhuak zawk a ni. Lal in ropui tak atang pawhin huaisen takin amah enkawl liantu Mordekaia thu a zawm a. A nun tlawm tak leh zahawm chuan lal rilru a hneh a, sawrkar thuchhuah pawh tihdanglamin a lo awm ta hial a ni. Pathianin hmeichhia zawng zawngte hi a Lal ram atan lalnu ni turin min duh. Chhungril nun nget, nunnem huaisen, hmangaihna a inthiam chunga rawngbawl turin min duh a. Thlarau Thianghlim hmanga kan hma zawn theuh su eng turin min ko a ni.

Kan taksa mawina ringawt hian kan mihringpuite leh kan pasalte ngei pawh a tilawm reng thei lo, chhungril mawina erawh chuan mi a man nget tlat thin. Kum upat avangin kan taksa mawina lo

chuai mah se, ral ve lo tur chu kan chhungril nun (internal quality)-a siamtuin a thlir reng hi a ni. Mi dangte tan hna a thawk dawn chauh ang. Kan taksa hi lei hnuaia phum bo a nih hnu pawha Pathian hma a inlan tur chu kan chhungril nun bawk hi a ni. Pathian ngaiha

ṭha a inentir turin ṭhahnem ngai rawh (2 Tim 2:15).

Pathian mit hmuha ṭhaa kan lan theih nan Lalpan mal min sawm ṭheuh rawh se. Amen

e-mail : maruati.tlau7@gmail.com
Phone: 08730095545



FANU HNENA LEHKHA THAWN

- Dr. Lalhmingmawii
Mission veng

Ka fanu,

Ka rochan atan Pathianin nang min pe hi ka lawm hle mai. I pian zan khan Pathian hnenah ka hlan che a. Kei i nu hi nu fel lo leh fing lo tak ka nih avangin min enkawlsak tur chein Pathian ka dil a. Nausen i nih aṭanga waviin i lo puitlin thlenga Pathianin a enkawl na leh a kaihhruaina che hi a ropui ka ti a. A hnenah lawm thu ka sawi mawlh mawlh ṭhin. Ka fel loh leh ât ang angin ka thiam ang tawkin ka enkawl ve nawk nawk che a. Pathian zarah tunah chuan puitling i lo ni ve ta der mai. A va ropui em! Ani chuan min kalsan ngai si lo va.

Mizo Kristian te, kan sakhaw zirtirna hmeichhia kan nih angin zawm ṭhat te, kan ram tana mawhphurhna kan nei a. kan tih theih tawk tih ve te, Kan hnam nunphung (culture leh tradition) vawn nun rinawmna vawn tlat te hi kan ram leh kan Pathian laka

kan bat a ni tih hria ang che.

Khawtlang leh kohhrana kan mawhpurhnate hlen hram hram hi mi puitling zia a ni. Amaherawhchu, mahni in chhungkhura kan tih turte ti hman lo khawp chuan pawn lama inhman loh hi a finthlak zawk ang.

In leh a vel vawn fai kawngah ÷an la la. Taksa leh thawmhnaw pawh vawn fai a pawimawh. Ei leh inah fimkhur la, duh zawng tih vanga ei ÷euhte hi taksa hriselna atan a ÷ha lem lo. Zuk leh hmuamah insum la, nakinah i inchhir lo vang. Tunlai hian Mizo hmeichhia zu in an tam ta hle mai. Hmeichhe zu in hi mipa zu in aiin an ÷awp zawk. Tin, zu in hi tlakranna leh nuhzatbura min siamtu a ni. Hmeichhe zu in an sawi zingah i tel ve loh ka beisei.

Incheina kawngah fimkhur la, uchuak leh leplêrh taka inchei hian kan chhungril nun a pho chhuak a ni chawk. A mawi tawk,

thawmhnaw man to lutuk lo inbel ching la, fel fai deuhva inchei hram tum ÷hin ang che.

Mizo hmechhia chuan (kan hausa emaw, kan rethei emaw) in chhung chet, eirawngbawl, insuk, buhthlei te kan tih tur a ni. Puan ÷et thawm leh kawrkilh tla vuah thlengin thiam tum ang che. Chawhmeh bazar pawh i thiam ngei a ngai ang.

Pasal nei rual i lo ni ve tawh a. Pasal chhia ÷ha i lo hmu ve a nih chuan i pasal chu i hmangaihin i zahthiam tur a ni. Ani i hmangaiha, i zah thiam chuan i tan lallukhum an ni ang.

A tawp berah chuan engkimah Pathian rawn la, i eizawna kawngah te, chhungkaw enkawlnaah te, khawtlang rawngbawlnaah te Pathan rawn chung a i kal chuan finna i chhar ang a, harsatna i tawh chang pawhin Anin a ÷anpui zel ang che.

I nu

HMANGAIHNA IN TANA DONATION DAWNTE*- Supt. Hmangaihna In*

Tum tumah chuan August - November, 2014 inkara HMANGAIHNA INA dawnte kan rawn tilang ang a, thilpetute chungah lawm thu kan sawi e.

Sl.No.	Petu	Thil pek
1.	Hming thup	Tv & Fridge
2.	C. Vanlalmangaihi, Durtlang Muall veng	Birthday Present Drawer & Cake
3.	BSI, Aizawl Aux. Women Committee	Excercise book, Bag, Shoe, Bible
4.	Zothanpuia, Mission Veng	Jumpin Box 18
5.	Ngaizawl Kohhran Hmeichhia	Rs. 2,000
6.	Tlungvel Venghlun Sakrament Dept.	Rs. 1,800
7.	Lalrinthari Zadeng, Bungkawn	Rs. 2,000
8.	Zodinsangi, Lalruatfeli, Aizawl Venglai	Pumper Case 2, Biscuits.
9.	Durtlang Branch Y.M.A.	Jubilee pual Arsa
10.	L.B. Tluangi, Venghlui	Rs. 5,000
11.	MTC zirlaite	Rs. 1,000
12.	Michel Lalruatdiki, Chanmari	Ei tur, damdawi, thawmhnaw
13.	Ngaizawl Br. M.H.I.P.	Rs. 1,000
14.	Lungsen ICDS Study Tour	Rs. 290
15.	Althea d/o Dr. H. Lalrinchhana, Durtlang	Rs. 3,386
16.	Norelle Zothanpari d/o Dr. George Vanlalchhuanga, Chaltlang	Rs. 30,000
17.	Electric Veng Kohhran	Thlai tharthawhlawm
18.	Ziri, Nursery Veng	Artui
19.	Helen Lowry HSS	Ei tur hrang hrang
20.	Rebecca, Kanan	Rs. 500
21.	Vanlalsawma Fly, Zarkawt	Rs. 2,000

Phek 11-ah chhunzawmna

...

WOMEN CENTRE SAKNA ATANA SUM LUTTE

Women Centre sakna tura sum lut Receipt No. 903 atanga No. 1060 inkara mite kan han tar lang leh a, petute zawng zawng chungah lawm thu kan sawi e. In thilpek hlu tak avangin Women Centre sak hna pawhin hma a sawn ve zel a, tha taka a lo hlawhtlin theih nan i tawngtai zel ang u.

Sl.No.	Petu	Pek zat
1	Ratu Bial	10,000
2	Darlawn Venghlun Bial	15,000
3	Rengdil Bial	6,000
4	Sangau Bial	5,000
5	Ramhlun North Kohhran	10,000
6	Chhingchhip Bial - KH Ni thawhlawm	25,000
7	Sairang Dinthar Bial	10,000
8	Keifang Bial	35,000
9	Phuldungsei Bial	10,000
10	Tuikual Bial	79,000
11	Thenzawl Field veng Bial	15,785
12	Zobawk Bial	10,000
13	Pi Lalsangvungi, Khatla E/53 Women centre tan	10,000
14	Thuampui Bial	73,000
15	Khawruhlian Bial	20,000
16	Biate Bial	28,000
17	Bukpui Bial	7,000
18	Farkawn Bial	15,000
19	Zawnuam Bial	15,000
20	Hmunsam Bial	25,000
21	Cachar Kahrawt Bial	5,000
22	Khawhai South Bial	13,000
23	Thenzawl Bial	15,000

24	Ramthar Veng Bial	72,000
25	Kawlkulh North Bial	5,000
26	Tlangnuam Bial	52,275
27	Kawnpui Chhim veng Bial	5,000
28	Chanmari West Bial	60,000
29	Sairang Bial	15,000
30	Vāthuampui Bial	1,450
31	Manikbond Bial	3,000
32	Kawrthah Bial	10,000
33	Chanmari Bial - KH Ni thawhlawm	8,100
34	Electric veng Bial - KH Ni thawhlawm	9,480
35	Dawrpui Bial - KH Ni thawhlawm	15,095
36	Lunglei Chanmari Bial	30,000
37	Buarpui Bial - KH Ni thawhlawm	440
38	Luangmuan Bial - KH Ni thawhlawm	3,360
39	Tlabung Zodin Bial	4,700
40	Khawzawl Dintar Bial	15,000
41	Shillong Bial - KH Ni thawhlawm	1,205
42	Khuangleng Bial	28,360
43	Rengtekawn Bial	10,000
44	Champhai Kanan Bial	65,000
45	Bairabi Bial	25,000
46	Bairabi Bial - KH Ni thawhlawm	600
47	Kolasib Venglai	40,125
	KH Ni thawhlawm	3,280
48	Vaivakawn Bial - KH Ni thawhlawm	4,479
49	East Phaileng Bial - KH Ni thawhlawm	2,518
50	ITI Bial	40,000
	KH Ni thawhlawm	3,640
51	Electric Veng Kohhran Hmeichhia	10,820
52	Biate Bial - KH Ni thawhlawm	1,860
53	Haulawng Bial - KH Ni thawhlawm	250
54	Tlangnuam Bial - KH Ni thawhlawm	2,045

55	Republic Veng Bial - KH Ni thawhlawm	3,200
56	Kanghmun Bial - KH Ni thawhlawm	1,602
57	Bethlehem Bial - KH Ni thawhlawm	5,060
58	Ramthar veng Bial - KH Ni thawhlawm	6,130
59	Chhingchhip Bial - KH Ni thawhlawm	2,120
60	Kulikawn Bial - KH Ni thawhlawm	4,380
61	Chanmari West Bial - KH Ni thawhlawm	2,680
62	Chhinga veng Bial - KH Ni thawhlawm	6,855
63	Thingsulthliah Bial - KH Ni thawhlawm	4,008
64	Maubawk Bial - KH Ni thawhlawm	2,870
65	Tuidam Bial - KH Ni thawhlawm	1,020
	Women Centre pual	5,000
66	Manikbond Bial - KH Ni thawhlawm	500
67	Madanrtng Bial - KH Ni thawhlawm	2,447
68	Khawhai South Bial - KH Ni thawhlawm	780
69	N. Vanlaiphai Bial	18,000
	KH Ni thawhlawm	780
70	Kanhmun Bial	15,000
71	Sesawng Bial - KH Ni thawhlawm	1,400
72	Khawlailung Bial - KH Ni thawhlawm	1,453
73	Hnahlan Bial	20,000
	KH Ni thawhlawm	1,303
74	Kawkulh North Bial - KH Ni thawhlawm	565
75	Teikhang Bial - KH Ni thawhlawm	1,310
76	Lawngtlai Chanmari Bial	1,500
	KH Ni thawhlawm	780
77	Bangalore - KH Ni thawhlawm	2,200
78	Thingdawl Bial	10,000
	KH Ni thawhlawm	1,521
79	Kawkulh Bial	11,940
80	Hnathial Bial	5,000
81	Hortoki Bial - KH Ni thawhlawm	800
82	Venghlui Bial - KH Ni thawhlawm	5,920

83	Mamit Bial	30,000
	KH Ni thawhlawm	1,580
84	Zawlnuam Bial - KH Ni thawhlawm	1,620
85	Champhai Kahrawt Bial - KH Ni thawhlawm	3,960
86	Lunglei Venglai Bial	15,000
87	Saiha Bial - KH Ni thawhlawm	880
88	Guwahati Bial	15,000
	KH Ni thawhlawm	1,683
89	Khawhai North Bial	15,000
90	Kolasib Diakkawn Bial - KH Ni thawhlawm	5,105
91	Khawzawl Dinthar Bial - KH Ni thawhlawm	1,547
92	Serchhip Bial - KH Ni thawhlawm	2,090
93	Champhai Vengsang Bial - KH Ni thawhlawm	1,495
94	Champhai Bethel Bial	65,000
	KH Ni thawhlawm	4,005
95	Keitum Bial - KH Ni thawhlawm	1,350
96	Ruantlang Bial	25,000
	KH Ni thawhlawm	4,450
97	Kawnpui Bial	35,000
	KH Ni thawhlawm	796
98	Chawngtlai Bial - KH Ni thawhlawm	1,920



NAU CHAWMNA LEH DONATION

Hmangaihna In tana Nau chawmna leh Donation August 29, 2014 hnu lama Synod Office, Kohhran Hmeichhe Department-a dawnte kan han tar lang e. In thilpek avangin lawm thu kan sawi a, Lalpan a let tam takin rul leh che u rawh se.

Sl.no	Nau chawmtu	Chawm zat
1.	Bilkhawthlir Tuiṭha veng Koh Hmeichhia	- 1
2.	Phullen Bial Kohhan Hmeichhia	- 1

3.	Zamuang Bial Kohhan Hmeichhia	- 1
4.	Kawlkulh Kohhran Hmeichhia	- 1
5.	Keifang Bial Kohhran Hmeichhia	- 3
6.	ITI Veng Bial Kohhran Hmeichhia	- 1
7.	Darlawn Venghlun Kohhran Hmeichhia	- 3
8.	Ramthar Tlang veng kohhran Hmeichhia	- 1
9.	Darlawn Bial Kohhran Hmeichhia	- 1
10.	Champhai Vengthlang N Koh Hmeichhia	- 1
11.	N. Lungpher Kohhran Hmeichhia	- 1
12.	Tlungvel Pastor Bial Kohhran Hmeichhia	- 1
13.	Kolasib Vengthar Kohhran Hmeichhia	- 1
14.	Kolasib Tumpui Kohhran Hmeichhia	- 1
15.	Sateek Bial Kohhran Hmeichhia	- 2
16.	Farkawn Chhim veng kohhran Hmeichhia	- 1
17.	Mualkawi Kohhran Hmeichhia	- 1
18.	Kelkang Pastor Bial Kohhran Hmeichhia	- 2

DONATION

1.	Tlabung Zodin Bial Koh Hmeichhia	- 2,400
2.	Sangau Bial Kohhran Hmeichhia	- 3,000
3.	Kawlkulh North Bial KTP	- 3,000
4.	Mowiong, Shillong Kohhran Hmeichhia	- 2,500
5.	Vathuampui Bial Kohhran Hmeichhia	- 2,180
6.	Khawzawl Dinthar Bial Koh Hmeichhia	- 10,000
7.	Rengtekawn Bial Kohhran Hmeichhia	- 8,195
8.	Khawzawl Electric veng koh hmeichhia	- 5,000
9.	Vairengte Chhim veng Kohhran Hmeichhia	- 3,000
10.	Upa F. Lalzuala	- 1,000
11.	Kawlkulh Bial Kohhran Hmeichhia	- 2,000
12.	Champhai Zotlang Kohhran Hmeichhia	- 3,000
13.	Vathuampui Bial Kohhran Hmeichhia (2 nd)	- 300
14.	Kawrthah South Koh. Ramthar Committee	- 1,000

*Hriat atan***AGAPE CHUNGCHANGA HRIAT TURTE**

1. AGAPE chanchinbu hi Kristian Tlangau, Ramthar leh Didakhe-te ang loin amah leh amah intum tura a ni a. Amaherawhchu, Press lamah lehkhapuan man leh thil dang man a lo san tak zel avangin a chhut man pawh a lo sang ta zel a, amah leh amah pawh a intum thei dawn ta mang lo va. Chuvangin, AGAPE Editorial Board Committee chuan a lak man hi tisang chuang lovin Rs. 60 la ni sela, Agent copy erawh hi chu free tawh lo mai ila tiin a rel a.
2. Tin, a lak man hi ba kan awm nual a, a man bate chu kan inthawn chhunzawm thei lo a nih pawhin kan inhre thiam dawn nia.
3. A chhut man hi thla tin pek nghal zel a ngaih avangin AGAPE latute hian a lak man hi kum tir lamah pek thin ni se.
4. Kum tinin January thla aia tlai lovah lak tur zat dik tak in-report theih ni se a tha ang

- Circulation Manager

**MIZORAM PRESBYTERIAN KOHHRAN
HMEICHHE INKHAWMPUI LIAN VAWI 46-NA**

March 6th - 7th, 2015-a GSA Playground, Mamit-a neih turah a thei apiang kal turin Kohhran Hmeichhe Member-te kan insawm a, Inkhawmpui tluang taka neih a nih theih nan Pathian hnenah i tawngtai thin ang u.

KUM 2013-2015 INKHAWMPUI LIAN HRUAITUTE

Chairman	:	Pi C. Lalmangaihi
Vice Chairman	:	Pi Rochuangkimi
Gen. Secretary	:	Pi H. Lalpianthangi
Asst. Secretary	:	Dr. Vanlalhruaii
Treasurer	:	Pi C. Lalneihthangi
Fin. Secretary	:	Pi Vanlaltluangi

Committee Member-te

- | | |
|----------------------------|---------------------------|
| 1. Pi K. Lalthangmawii | 2. Pi C. Lalrinliani |
| 3. Pi Parchhuaki | 4. Pi Ramngaihsangi |
| 5. Pi Laltlanthangi | 6. Pi Rosangpuii |
| 7. Pi Rochhungi | 8. Pi Lalthansangi |
| 9. Pi Zohmachhuani | 10. Pi H. Kapthangi |
| 11. Pi Lalrinzuali | 12. Pi Lalrindiki |
| 13. Pi B. Zomawithangi | 14. Pi C. Romawii |
| 15. Pi Lalsiammawii | 16. Pi C. Zopari |
| 17. Pi R. Rengkhumii | 18. Pi Tlangmawii |
| 19. Pi Lalhmingmawii Sailo | 20. Pi Zothanpari |
| 21. Pi Rallianthangi | 22. Pi Maria Lalchhanhimi |
| 23. Pi Vanlalhruaii | 24. Pi P.C. Nuzawni |
| 25. Pi Lalpianthangi | 26. Pi Sailuti |
| 27. Pi K. Vanlallawmi | 28. Pi Lalbiakengi |
| 29. Pi C. Chawngpuii | 30. Pi Vanrammawii |
| 31. Pi Zopari | 32. Pi Lalrokimi |
| 33. Pi Lalbiaki | 34. Pi Lalfeli |

Ex-Officio Member-te

1. Rev. Lalrinmawia, Synod Moderator
2. Rev. B. Sangthanga, Synod Secretary (Sr.)
3. Rev. Lalramliana Pachuau, Executive Secretary i/c Women
4. Pi Laltlanmawii, Ex-Chairman
5. Pi Lalfakmawii, Co-ordinator